

中國第一歷史檔案館藏

# 清代起居注冊

康熙朝

中華書局

康熙二十五年三月至八月

清代起居注冊・康熙朝

第二〇冊



中華書局

# 目錄

|           |       |
|-----------|-------|
| 康熙二十五年三月  | 九六九七  |
| 康熙二十五年四月  | 九七八九  |
| 康熙二十五年閏四月 | 九八七一  |
| 康熙二十五年五月  | 九九九一  |
| 康熙二十五年六月  | 一〇〇六七 |
| 康熙二十五年七月  | 一〇一七一 |
| 康熙二十五年八月  | 一〇二三九 |

康熙二十五年丙寅三月初一日乙卯辰時

上御乾清門聽政部院各衙門官負面奏畢大學

士覺羅勒德洪明珠王熙吳正治宋德宜學

士麻爾圖吳興祖王起元禪布徐乾學韓奕

賽弼漢敦多禮以折本請

旨雲南巡撫王繼文條奏滇省皆係山嶺險阻故

制錢壅滯價值甚賤再銅鑛自用兵以來採

取甚少止買民間舊銅鼓鑄錢法不行並非  
銅多之故部議令其採取銅斤將所得之數  
陸續報部

上曰雲南離京甚遠每觀所奏之事不實者頗多  
此事着九卿議奏直隸巡撫于成龍

陛辭

賜食於

太和門未時

上召至乾清宮

御座前問曰爾有所當陳奏否成龍奏曰臣本微

賤歷任州縣屢註部議處分皆蒙寬免邀

恩格外不次超遷今又

特陞臣直撫雖捐糜頂踵不足報稱伏念直隸地  
方旗民并處任大責重雖竭臣愚恐不能仰

副

聖懷但請

指示以便恭行

上曰爾自居官以來廉慎官方朕所素知今直隸

地方一切利弊應興應革者甚繁爾如何釐舉

成龍奏曰直隸地方以弭盜為第一要務但  
守法之人雖多不肖而為盜者亦不少况倚

仗旗下名色或嚇詐或劫掠無所不為有司  
官雖明知而不敢深求治罪嗣後臣查得凡  
旗下家人有如前不遵法者臣當執法究治  
上曰直隸地方弭盜原是要務若旗下各莊人戶  
不守法度爾須執法嚴治亦不得瞻徇顧忌朕  
留心民瘼外事無不周知即如工部所用車輛  
俱係現發銀兩止應在京師就近催募今竟派

取州縣爾知之否成龍奏曰臣向任直隸即受此累但積弊不止一端如狐皮一項臣聞折色每張銀五錢州縣起解五六兩不等

上曰爾到任後將此等利弊逐一查明奏聞成龍奏曰巡撫有巡歷地方撫綏百姓之責臣欲減從出巡察訪貪廉奏請

皇上黜陟以示勸懲

上曰職所當為爾即奏毋隱但有好名朕無不知  
成龍奏曰臣年已四十九歲自小官至於巡  
撫特出

上裁者惟一廉耳若有改其操守不但國法難容  
即天下言清廉者皆不可信况負

知遇隆恩罪莫逭矣臣身雖不死名節已去何以  
為人

上曰廉吏間或有之及既得大官往往改操爾須  
正己率屬廉潔愛民但亦宜寬以濟猛勿過刻  
也成龍奏曰

皇上如天好生臣何敢過刻即直隸各官臣到任  
後務先令其自新若仍前不悛然後題叅

上曰居官不善之人縱能漏網亦將禍及子孫爾  
須有始有終實心實政從國計民生起見盡力

為之成龍辭出

上命近侍薩木哈五十傳

諭賜白金一千表裏二十成龍祇受謝

恩出

本日

起居注官孫在豐徐元夢

初二日丙辰早

上詣

太皇太后宮問安辰時

御乾清門聽政部院各衙門官負面奏畢大學

士覺羅勒德洪明珠王熙吳正治宋德宜學

士麻爾圖吳興祖王起元禪布徐乾學韓奕

賽弼漢敷多禮以折本請

旨吏部議御史許三禮叅奏通政司不實擬革職

上顧大學士等曰爾等之意若何明珠等奏曰許  
三禮不諳定例擅行瀆奏其意中原未瞭然  
至口稱此本原為衆漢官叅奏其言尤為可  
哂

上曰聞許三禮素有理學之名且係言官從寬免  
其草職著將紀錄盡行削去仍降四級畱任又  
九卿會議湖廣布政使張仲舉條奏請裁存

留錢糧議准行明珠等覆奏曰臣等遵

諭傳問九卿等皆云我等以張仲舉身係經管錢糧之官既稱當裁必有確見故議准行我

皇上睿照深遠洞悉民隱

特諭臣等云若將存留各項盡行裁革恐不肖官負復行私派百姓反致受累且經費短少雖有廉吏亦無補苴之策

睿見極是

上曰朕節省錢糧原為百姓留餘之意若將存留  
經費通行裁革恐復致私派苦累小民督撫身  
任地方其應裁應留知之必悉着將此意票出  
令其詳議具奏

本日

起居注官常書歸允肅

初三日丁巳辰時

上御乾清門聽政部院各衙門官負面奏畢大學  
士覺羅勒德洪明珠王熙吳正治宋德宜學  
士吳興祖王起元徐乾學韓爌以折本請  
旨吏部題工部侍郎席特納年老休致負缺開列  
學士牛鈕等

上曰工部侍郎負缺最為緊要必得相宜之人補